

Headline	APMM Selangor perketat rondaan di laut, udara kesan cubaan PATI masuk Malaysia		
MediaTitle	Sinar Harian		
Date	23 Apr 2020	Color	Black/white
Section	Nasional	Circulation	140,000
Page No	21	Readership	420,000
Language	Malay	ArticleSize	134 cm ²
Journalist	N/A	AdValue	RM 1,501
Frequency	Daily	PR Value	RM 4,502



APMM Selangor perketat rondaan di laut, udara kesan cubaan PATI masuk Malaysia

KLANG - Agensi Penguatkuasaan Maritim Malaysia (APMM) Selangor akan terus memperketatkan rondaan laut dan pemantauan udara di perairan negeri itu bagi membendung jenayah rentas sempadan khususnya yang membabitkan

kemasukan pendatang asing tanpa izin (PATI) ketika Perintah Kawalan Pergerakan (PKP).

Timbalan Pengarah (Operasi) APMM Negeri Selangor, Komander Maritim Abdul Hakim Mohd Idris berkata, tujuan membendung kemasukan PATI

adalah bagi mengelak penularan koronavirus (Covid-19).

Menurutnya, operasi yang dilaksanakan APMM sepanjang PKP adalah dengan kerjasama Tentera Laut Diraja Malaysia (TLDM), Tentera Udara Diraja Malaysia (TUDM) serta Polis

Diraja Malaysia (PDRM).

“Berdasarkan maklumat diterima, kita percaya masih terdapat cubaan PATI menyeludup masuk ke dalam negara namun dengan penguatkuasaan dan kerjasama bersama agensi lain, cubaan itu berjaya digagalkan.

“Pelbagai modus operandi digunakan sindiket PATI antaranya menggunakan bot nelayan dan bot laju bagi menyukarkan dikesan pihak berkuasa,” katanya kepada *Sinar Harian* selepas melakukan rondaan di perairan Selangor di sini semalam.